

c. 3. p. 29. cuius efficaciam in aliquot grauibus casibus à mensum retentione se expertum scribit. Nempè eo casu, fœminis cuiusvis ætatis, temperamenti & conditionis, *Æj.* hellebori nigri, nodulo serico exceptum, per vices renouatum, muliebribus applicatum, quoad necessitas postulauit, gestare præcepit, à cuius vsu mutatio, & quædam quasi contractio per totum corpus oborta eatenus durauit, donec menses pedetentim promanare cœperint, quod admiratione non caret. Clysteres quoque vterinos, ex emmenagogis dictis specialibus concinnandos, negandum non est egregiè elutriare, mundare & abstergere. Singula vi calefaciente & penetrante poros referant, humores liquant ac fundunt, vnde commodissimè menstruus sanguis in motum citatur, modò prudenter ordinentur iis, quæ consentiunt, minus virginibus, non grauidis.

## LIBRI I. SECTIO III. CAPVT XI.

De

### *Arthriticis seu articu- ribus.*

**A**RTICVLARIA medicamenta in scholis medicis dicuntur, quæ motum articularum saluum præstant, illorum cumprimis, qui in extremitatibus siti sunt, vt in portitoribus machinæ corporeæ pedibus, illiusque habenis manibus.

Cum enim limitaneos quasi terminos constituent totius corporis, in illis sæpissimè materia morbifica sedem suam parat, si ad recipiendum inueniat aptos. Vti verò tria sunt, quæ remedium postulant, humor afficiens, membrum affectum, & effectus morbosus, iuxta hanc classem etiam & medendi methodus, & materia medica variant.

Humor afficiens serum est, salium rodentium vehiculum, adeoque arthritica *primi generis* sunt *seri correctoria*, seu quæ-

cun-

cunque eius quantitatem, copiam onerosam, qualitatem, acrimoniam acidam & salinam, & affluxum motumque ad articulos, vnâ verò & huius fontem, respiciunt.

Corrigunt serum vniuersalia excernicula, v. g. *purgantia*. Obseruauit iamdudum *Galenus* 6. *apb. comm.* 47. si tempore verno vel autumnali, quo ut plurimum faces dolorum accenduntur nouis paroxysmis, purgantia & V. S. instituantur, posse arthritidem præcaueri, id quod experientia totâ die stabilitum videmus. Nec feliciter mederi licet sine his arthriticis, vago vel fixo dolorum genere afflictis.

Obseruatum non minus est, quibus sudor largior contingit, quibus *diaphoretica* & *diuretica* adhibentur, in & extrâ paroxysmum vnicè leuari. Vt citra hæc arthriticos curare planè sit frustraneum.

Imò hæc ipsa communia quædam hoc respectu quasi specifica redduntur & obseruantur, v. g. ex diaphoreticis spiritus eboris, C. C. *lumbr. volat.*  $\Theta$ \*ci,  $\Psi$ ri f. & comp.  $\Theta$  C. C. vol.  $\S$  diaph. bez.  $\mathcal{J}$ le,  $\S$   $\mathcal{J}$ le *cachecticum*; ex diureticis lap.  $\S$  spir.  $\Theta$ is  $\Psi$ ri, aper. Penot. mixt. antipodagr. Knæphel. Ra.  $\mathcal{F}$  f. & compos. arc.  $\mathcal{F}$ ri, clyst.  $\S$ ii omnis, cum primis verò tartareus, f. &  $\mathcal{J}$ lis. Ex purgantibus  $\mathcal{M}$   $\mathcal{F}$ ear. hermodactyli, ossa humana calcinata, vt elect. caryocostinum, quo *Bayrum* feliciter vsus est, aliaque non laudemus.

Corrigunt feri vitia, quoad causam remotiorem antecedentem, nempe obstructions & *distensio* hypochondriacas, aperientia, hypochondriaca, scorbutica, *antisartarea*, aliaque, quæ amurcam venarum abstergunt & generationem salinorum acriumque humorum impediunt, v. g.  $\nabla$  antiscorb. mixt. f. & antiscorbut. Ra.  $\mathcal{J}$  varia,  $\S$ ii, pulu. cachect. cinnabarinus & alia huc ex superius dictis repetenda.

Corrigunt serum leni terrestreitate vel oleositate salinovolatili balsamicâ demulcentia, rad. chin. caryophyllat. sarsaparill. succisæ, maximè in arthritide vagâ scorbuticâ, laudatæ; ex herbis chamædrys, chamæpitys, succinata item & ex his præparata, extr. chamædr. chamæpit. ligh. al. sassafra, Ra. corall. cum

spir. ling. eff. lign. chamædr. chamæpit. pini, lumbric. Vtraque  
*fea* sale volat. pollentia, seu sulphure blando pollentia sunt ar-  
 thritica.

Corrigunt id ipsum, podagra patratorem, *diluuentia* & *tem-  
 perantia*, vtilac, quod hinc apud recentiores ad instar acidula-  
 rum & thermarum ascendendo & descendendo vsurpatum lau-  
 dem inuenit; Imò hæc ipsa recensita per se quoq; eximie com-  
 muniter profunt, cæteris paribus, item emulsiones & alia tem-  
 perantia, ex aquis antipodagricis notis.

Corrigunt denique *resoluentia*, quæ extrauasatum vel quasi  
 humorem, seu salinum & pituitosum coagulum subsistens resol-  
 vunt, quod quidem & dicta hæctenus remedia expediunt, seor-  
 fim verò resoluentia cinnabarina ac *çialia*, & ex his præparata,  
 vt arcanum Knöphelii descriptum quodammodo in epistola de  
*podagra curata*, nihil aliud verò est, quàm arcanum corallinum  
 Paracelsi, ab *Helmontio* quoque *lib. de febribus* & alibi maximè  
 laudatum.

Notabile verò est (1.) cinnabarina hoc nomine maxime  
 h. l. prædicari, quod resoluant; gaudent enim duobus elemen-  
 tis hæc, particulis sulphureis metallicis puris, fixis, ac anody-  
 nis, & particulis mercurialibus itidem puris. Vnde tantum  
 abest, vt venenum sit cinnabaris, etiam vulgi, ex mercurii viui  
 & sulphuris connubio orta, nativa, & antimonii communis, vel  
 curiosior *Helmontii*, à *Tachenio* descripta, (ex *Æe* 8ii & *çrio*)  
 vt potius remedium sit probatissimum; nec adeò immeritò  
 sub initium huius seculi ab Anwaldo panaceæ titulo celebra-  
 ta, peculiari libro virtutibus expositis. Duo ergò præcipue  
 præstat, vi elementorum, ex quibus constat, acrimoniam,  
 acidam neruis inimicam absorbet, edulcat, inuertit, præci-  
 pitat, annihilat; & subsistens hic illic, h. l. circa articulos, fer-  
 mentum peregrinum, immutans liquores vitales affluentes  
 in similem morbosum humorem, disiicit. Nam ex principiis  
 chimicis sulphur omne acido contrarium, si æqualibus commit-  
 tantur frontibus. Mercurius feri coagulum vnicè disiicit, fluxi-  
 lesque reddit humores, quod saluationis exemplo claret. Hæc  
 fun-

fundamenta sunt generalia virtutis cinnabarinæ, ex quibus omnia reliqua fluunt, ceu porismata, cinnabarina esse nervinum, vt post latius, cephalicum, antepilepticum, pectorale, nephriticum, vterinum, arthriticum, verbo quasi catholicum remedium.

Notabile (2.) est, mercurialia & interius & exterius esse arthritica, diuerso tamen respectu loci decubitûs materiæ, ipsiusque naturæ. Interius iam dicta eximie profunt, & quæ ex his alia affinia, vt præcipitata mercurialia, indemnita orta sunt; tum & mercurius dulcis inter purgantia, non quod maligna sit materia arthritica, quod *Parcum* secuti quidam contendunt, sed ob dictas rationes; Exterius verò mercurius ipse in substantiâ, vel saltim citra præparationem vllam cum emplastris mixtus, dissociatis eiusdem rotundis mobilibus atomis per viscosa, terebinthinata & emplastica, verbo, emplastra mercurialia. Vt enim inter resolventia conueniunt emplastrum diaphoreticum, empl. oxycroceum distinctione habitâ inter subiecta, in ipsis arthriticis, seu doloribus obsessis articulis; ita si vel exterius magis vergat dolor, si extra articulos, vel profundius maioribus insideat, si maligno charectere venero debeatur, emplastra mercurialia apprimè faciunt officium. Sic emplastrum de ran. Vig. cum mercurio hoc fine laudatissimum, vel solum, vel mixtum cum iam laudatis, doloribus venereis, & tumoribus quàm maximè conuenit impositum, disiiciendo serum viscosum, spissius & concresecendo subsistens. Sic in aliis quoque doloribus discutiendis exoptato cum successu imponitur. Laborabat vir xxx. annorum dolore insigni circa axillam, impositum empl. ex empl. diaphor. & de ran. Vig. c. mercur. breui omnem abegit dolorem; quod ipsum in aliis quoque casibus sapissimè experti sumus, addito quoque interdum empl. magnetico sandalino, aut aliis, non omisis interius vniuersalibus, diaphoreticis & aliis, ipsâ quin etiam V. S. quæ, vt id repetamus, nisi arthriticis adhibeatur, vix feliciter curatio succedit, imprimis in arthritide, vagâ scorbuticâ, ad deplendum seri ἰσχυρισμὸν & exacerbationem. Venæsectio & purgatio catholica sunt remedia, quibus adhi-

adhibitis à reliquis vt plurimum intra 14. dies liberati sunt ægri penitus: omisſis verò ſæpè 6. 7. & plures hedomadas magnis cum doloribus conſumsère, non ſine metu etiam recidiuæ, quæ non facile contingit, ſi duo hæc obſeruentur. In reliquis quoque arthriticis tempore verno & autumnali, quibus ſerum magis deſpumat, tempeſtiuè adhibita vniuerſalia iſta arcent feliciter arthriticos & podagricos inſultus, vel ſalim mitigant, vt leuius & breuius hinc afficiant, demptâ materiâ morbificâ.

Serum verò in podagricis peccare non opus eſt probare h. l. latius, duo tamen obiter adducemus ex *Helmonio*, quod podagrici præſentiant tempeſtatis mutationem, & quod, ſi mutantur ſordes pedum digitorum, iisdem immineat paroxyſmus.

Conueniunt hæc in articulorum doloribus arthriticis, podagricis, & his affinibus, iſchiadicis; quin latius paulò in motu, ſenſu, nutrimento articulorum in genere vitiat, vt in paralyſi, atrophîâ, eaque cum ſequentibus ſunt communia, ſeu reliquæ quoque claſſes arthriticorum his iſtis contrariantur.

Potiſſima hæc fuere primi generis arthritica, ſiquidem ablatâ cauſâ tollitur feliciter morbus, neglectâ magis exacerbatur & increſcit.

*Secundi generis Arthritica* ſeu articularia remedia ſunt *neruina*, ſeu quæ neruos, membranas, tendines, ligamenta & fibras nerueas reſpiciunt, vt pote ad articulationem requiſita neceſſaria, ſeu motûs organa principalia; imò & ipſum perioſtium, maximè ſenſile, & delicatum: Siue irritentur nerui, cum primis in doloribus, vnde & ſpasmus & pauores ſolennes ſunt arthriticis; ſeu debilitentur, ſpirituum robore exuto, factâ velut molliſicatione, factâ contracturâ & exiccatione, aliisque vitiis.

Talia ſunt in genere ex ſulphuris & falis volatilis claſſe, petita neruina, v. gr. 1. *ſale volat. oleoſo pollentiſſimo*, vt cephalica omnia, herb. chamædr. chamæp. roſmar. ſalv. flor. anth. hyper. ſpic. lauend. ſtœch. arab. prim. ver. extr. chamædr. & alta ex his parata elix. cephal. item caſtoreum, euphorbium, galbanum, quæ tamen calidiora in primis conueniunt vel vbi profundius latet  
affe-

affectus, adeoque reuulsione & discussione maiori opus est, vel ubi nerui puncti & vulnerati, vel ubi atrophiam pars laborat, ad motum spirituum & feri promouendum. Pertinet huc illo sensu etiam balsamum de Peru, de Capaiba, oleum tartari fetidum, & balsamica alia; item aqua apoplectica, aqua artic. ad extra, infusa neruina pro vsu interno & externo, vt & fofus in contracturis, ex neruinis cum vino coctis, quibus etiam seorsim vinctuosa, vt pinguedo taxi, vulpis, humana conueniunt. Variant nempe hæc pro diuersitate affectuum vel calidorum, vel frigidorum, quorum ordo non confundendus.

(2.) Neruina etiam sunt *sulphure* non tam volatili, quam *fixo* constantia, quo utroque nomine cinnabarina sunt laudatissima, quorsum etiam sulphur auratum antimonii purius, sulphur Oli anodynum, ex vegetabilibus lignum aloes, ladanum eorumque extracta spectant.

(3.) Neruina etiam sunt *acido-sulphurea*. Ut enim, per Hippocratis decretum, acida neruis inimica habeantur rectè, illud tamen magis est intelligendum de acidis circa membranas & neruos subsistentibus, immediatè applicatis, solis, sibi relictis, fixioribus, non tam cause morbificæ mediatae, v. g. obstructionibus debitis; non item de acido-sulphureis interius vel exterius vsurpatis, utpote mitigatis, & amicis potius. Quin per dicta non incongruus est vsus acidorum internus in arthriticis, ubi non tam spiritus sunt fixati, quam irritati, secus ac quidam hodiè arthriticis omne acidum arcent remedium, cum tamen spiritus Oli, simpl. & Plis. spir. Ollis, clyff. ðii, tinct. ros. viol. toto die cum insigni alterationis successu adhibeantur, pro tartareo humore crasso & in coagulum prono dissolvendo, pro hypochondriis, pro primâ culinâ in ordinem redigendâ; vnde audiendi non sunt. In mentem venit podagricus senex, LXII. annorum, qui loco degens, ubi nullus morabatur medicus, internè solo spir. Oli quotidie vsus ad aliquot guttas externè verò imposito emplastro Noribergensi plantis pedum, breui curatus est. Sic vinum acido-sulphureum neruis & articulis maximè est amicum, ratione sulphuris leni, ra-

tione acidi blandi defendit, ratione vtriusque discutit & roborat. Sic spiritus vitrioli cephalicus neruinus est tum  $\odot$ rinus, tum aliis modis paratus, sic aqua magnanimitatis seu spiritus formicarum inter præstantissima arthritica localia merito habetur, constat verò non nisi acido-sulphureo elemento, quod per analysin chemicam ad oculum patet,

(4.) Neruina præcipuè etiam sunt *sala volatilia liquida & sicca*, pro interno & externo vsu variè miscenda. Cumque de illo iam satis dictum sit, inprimis de exteriori dicendum hoc loco erit. Probatissimi hoc nomine sunt spir. C. C. &  $\odot$ \*ci, ille solus quoque vel mixtus, hic cum aliis, v. g. cum aquâ magnan. cum spir. cochlear. carmin. additâ etiam, si lubet, theriacâ & essentiâ cort. citri. Vsi fumus frequentissimè linim. neruino & spir. formic. v. g.  $\mathfrak{3j}$ . C. C.  $\mathfrak{5ij}$ . vel  $\mathfrak{ij}$ . ad  $\mathfrak{3b}$ , spir.  $\odot$ \*ci  $\mathfrak{3j}$ . vel  $\mathfrak{ij}$ . in doloribus ipsis arthriticis, & ischiadicis, in defluxionibus catarrhalibus ad collum, scapulas, & aliis. Speciatim quoque commendandi sunt lumbrici, tum simplices per se contusi, tum præparati. Vir primarius, arthriticis insultibus sæpius affectus, à nullo remedio magis iuuabatur, quam lumbricis recentibus cum vino per linteum traiectis. Sunt qui addunt mîsturam simplicem quoque. Sutor doloribus ischiadicis in dorso laborabat adhibebantur varia, & inter alia quoque emplastrum euporistum satis commodum ex sulphure & pice, tandem curabatur solo cataplasmate ex lumbricis contusis. Experimentum etiam insigne constituunt eodem modo vsurpati in paronychiâ. Fœminâ quædam laborans arthritide vagâ scorbuticâ præsentaneum sentiebat levamen ab inunctione spiritus lumbricorum volat. vrinosi, quem speciatim etiam solemus in linimentum neruinum recipere.

Profunt hæc ipsâ, quando, præter dolorum genera iam enumerata, seorsim neruosum genus, vt in omnibus doloribus grauioribus, afficitur, quando materia intrò vertitur, quando sublimius regimen cerebri ab his minorum gentium diis, articulos intelligo, in consensum vocatur.

Cum verò præcipuum articulorum affectorum symptoma sit

fit dolor, non minimus indicationum tyrannus, meritò *tertijs generis arthritica* sunt, quæ tristem hunc sensum & membranarum vellicationem præuiam seu coniunctam respiciunt. Licet enim mediâtè & simul vtraque priora etiam meritò hunc attendant; nihilominus tamen plurimum situm est in huius præsertim medelâ, quam ægri vnicè expetunt, imò extorquent sæpè à medico.

Digessimus hæc ipsa in *paregorica*. Longum foret omnia recensere, quæ hinc inde contra podagram laudantur topica, topica ab empiricis & dogmaticis integris plaustis congesta, ex quibus facilius quid non profit, quam quid profit, elicias.

Dolorem, inquam, articularum solantur paregorica, optima ideò, quod exhalationi materiæ morbificæ velificentur, vnaque blandè demulceant affectas membranas. Talia sunt discutientia emolliendo, vt lac recens in *dolentes articulos emulctum, fatus catellorum incumbentium, epithema seu cataplasma memoratum ex lacte cum similagine & croco*. Empiricus puluerem feliciter adhibebat ex sem. auenæ & aliis mixtis, calefaciendo cum cereuisiâ calidâ, sicque imponendo. Alii alia celebrant,

*Anodyna* verò & *narcotica* quod attinet, cum falsæ hypothesi innixi olim putauerint, iisdem sensum figi & ligari, hodiè contrarium potius innotuit ratione & experienciâ. Optima sunt inter externa dolorum remedia *neruina*, quæ vnâ roborant, quæ causæ morbificæ contrariantur, nec *sinistri effectus* timorem incutiunt. Hinc meritò cautelæ attendendæ.

1. *Sæpè optimum medicamentum topicum arthriticum est, medicamento non vi.* Præstat sanè internis sæpè tollere materiam morbificam, roborare neruosum genus, domare acrimoniam, quam externis inhærere. Si nullibi topica post præmissa, vniuersalia in vsum vocanda, id sanè valet circa arthritica. Si tamen quid faciendum est, ad benè esse conferunt, vt placemus querulantes, & delicatos ægros.

2. *Cauendum est, ne anim per externa hac inuare intendimus*

Da 2

artia



*articulos, tonum eorundem destruanus.* Destruitur tonus tum variis aliis modis, tum serum nimis exhauriendo, vel exiccando, inde enim ad contracturas & motus ineptitudinem membrum disponitur magis. Loco fundamenti in omnium topicorum applicatione horum esse debet, quod, circulo sanguinis impedito & velut spinâ infixâ, motus ille feri peregrinus & subsistens in ordinem debeat redigi, corrigi & dispelli. Quod si verò sudatorii Laconicis ficcis, vel vuidis etiam balneis id tentemus, illis turbulentus & inæqualis quidem motus humorum inducitur, non tamen æque cum iuuamento materiz; quin coactivâ illâ impulsione facile ad interiora, à peripheriâ ad centrum fieri potest retractio. Balnea verò laxant quidem poros, sed facile <sup>scdm</sup> feri copiosioris maiorem inducere queunt, quatenus laxatis poris magis illabitur humor, non promptè æquè refluit. Valet id de thermis quoque, quæ vbi robor addendum est articulis, vbi ligamenta & tendines suauiter in motum citanda, vbi exiccandum, habent locum; cauendum tamen & in illis est, ne in extremum alterum membrum deducant, dum motum exiccando nimis minorem sænerare possunt.

3. *Dextro oculo corpus, sinistro articuli respiciendi.* In contracturis quidem, vbi principaliter malum articulum occupat, contrarium euenit, si ab externâ aliquâ iniuriâ motus & articulatio fuerint vitiata; Ast in arthriticis alia res est longè. Sapiens supra vulgus; seu medicus plus quàm vulgus sapere debet. Felicius sæpè degunt & promptius morbo defunguntur, qui in silentio & spe auxilium expectant patientia enim hæc maximum ipsis est præmium, præmium sanitatem inferens certiozem. Corpus respiciendum primario, & noscendum sapius à nobis dictum & superius assertum, arthriticos omnes esse, unâ hypochondriacos. Frustrâ est effectum & affectum hunc citra suam causam remouere, ergò semper dictum sibi putet medicus: Hoc age. Nec facile à viâ regiâ deflectere se patiatur, quo factò facilis est error. Non negligendi tamen articuli quoque penitus, seu remouendo, quæcunque ipsos lædere vel debilitare queunt, quasi venena articulorum, sen appli-

plicando, quæ non noceant, sed profint, & effectum salutarem edant. Valet enim & hîc illud Hippocraticum; Si prodesse non possis, saltem ne noceas.

4. *Topica dum blandiuntur, sæpè insidiosa sunt.* Adeoque in singulis hîc potior est habenda ratio motûs, quàm sensus, vel ita sensui tristi est medendum, nè motum cum sensu auferamus. Ita in præsentî est curandum, vt in futuro quoque non facti pœniteat. Hinc duo adhuc axiomata notanda,

(1.) *non constantem aquè effectum expectari posse à quocunque topico,* emplastro antipodagrico, spiritu articulari, balsamo arthritico, litu, fotu. Exemplum huius rei præbet Rex Poloniæ Vladislaus, de quo integra historia legi potest *Ann. VII. Ephemerid Germ.*

(2.) *Seligenda imprimis defensua & roborantia.* In mentem venit elegans locus de topicis podagricis *Verulamii, Sylv. Sylv. cent. 1. num. 60. p. 42.* Plurima sunt medicamenta, *inquit,* quæ

per se nullam curam faciunt, & fortassis noxia sunt; sed applicata certo ordine vnum post alterum magnam curam faciunt. Hinc experimento se didicisse remedium *addit,* aduersus podagram, quod rarò sefellit, sed abegit spatio 24. horarum:

1. applicando pultem, ex medullâ panis similag. cocti cum lacte, add. pulv. ros. rubr. croc. & ol. ros. applicando cum linteo. 2. balneum ex fol. salv. rad. bryon. cicut. & flor. ros. rubr.

coqu. cum aquâ ferratâ, add. sub finem parum salis, & applicando cum panno coccineo (3.) emplastrum diachalciteos. Hoc ipsum communissimum est ad dolores podagricos & optimum emplastrum.

5. *Quæcunque magis impingunt & figunt humores, præ cæteris nociva sunt articulis.* Repellentia hinc dum exhalationem

& discussionem remorantur, nocent; adde quod spiritus coagulent & fugant, quibus destituta pars cedit in morbi potestatem magis, vt taceam gangrænam inde ipsam per extinctionem caloris fieri posse. Exemplum huius rei præbet

egregium *Renealmus obs. 39.* vbi de phlegmate vitrioli prædixit, ab externè applicito illo ad horam sedatum iri dolores, ex in solito acerbiores recursuros podagrico, quod & factum,

6. *Distinguenda sunt articularia medicamenta pro distinctione morborum, quibus obsidentur.* Quæ enim in contracturis & ariduris, vel spasms quoque conueniunt, non æquè locum habent in doloribus. Vnctuosæ huius rei præbent exemplum. Profunt hæc in dictis morbis etiam non adeò neruina simul, seu partibus æthereis sulphureis vigorata, solâ emolliendi virtute; profunt in ichore vlceraum seroso, si simul fuerint neruina; profunt in doloribus articularum venereis, si fuerint simul resoluentia; Arthriticis verò non item. Solet quidem eo nomine oleum saponis commendari, sed & illud cautè applicandum, neque æquè nisi in frigidiori destuxione, prodest. Notabilis est obseruatio Sylui, qui in podagrigo dolore valde rodente cum admiratione summâ expertum se scribit vim stupendam balsami sulphuris succinati, ad paucas guttas dolenti parti illiti, vnde confestim efferuescentia in parte affectâ excitata est calens, imo vrens, at mox, iterum cessans, vnâ cum dolore atrocissimo in momento quasi ablato. Modestè tamen dubitat, an idem sit futurus in omnibus successus, quandoquidem omnes oleosæ, & imprimis per destillationem parata ferre non possunt, dixerim potius paucissimos. Vid. l. i. prax. c. 30. §. 174. p. 533. vbi latius de hoc agit. Miserum spectaculum præbent podagrigo contracti & consummati, reuera captiui, quales duos fratres nouimus nobiles per 6. vel 7. annos miserè sic viuentes, vt nec pes nec manus faceret officium, & vno loco continuo desidere contactos, exasperatis sæpius doloribus, tophis succrescentibus & suppurantibus, in manibus & pedibus. In his verò & similibus aliis obseruaui à priori malum tam radicum vini ferè potui nimio & largissimo ortum debuisse, à posteriori sollicito, ast intempestiuo, topicorum, emplastrorum, aliorumque usu.

LIBRI